



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Tvscvlano Episcopo apostolicæ sedis Legato.

urn:nbn:de:hbz:466:1-20020

dant in nomine Domini Sabaoth. Datum Laterani v. III. Kal. Februarij, pontificatus nostri anno sextodecimo.

NICOLAO TVSCVLANO Episcopo apostolicae sedis Legato, & P. Subdiacono & familiari nostro.

Epist. 173. De denario B. Petri in Anglia.

Cum, sicut vestra discretio plenè novit, singulae domus totius Angliae singulos denarios pro censu beati Petri annuatim nobis solvere teneantur, Praelati Angliae, qui cum nostro nomine collegèrunt, rem invito domino contrectantes, majorem sibi exinde partem non sunt veriti retinere, cum nonnisi trecentas marcas nobis persolverint, & sibi mille vel amplius usurparint. Ut igitur jus Ecclesiae Romanae servetur illatum, discretioni vestrae praesentium auctoritate districtè praecipiendo mandamus quatenus prius recipientes ab eis denarium ipsum, prout haecenus exsolverunt, & eos ad id, si necesse fuerit, per censuram ecclesiasticam appellatione postposita compellentes, firmiter postmodum ex parte nostra injungatis eisdem ut residuum cum integritate persolvant. Non enim videmus quo jure valeant se tueri, cum nec concessionem possint ostendere à sede apostolica sibi factam, nec centenariam contra Romanam Ecclesiam praescriptionem probare, maximè si tempora se hincinatam subducantur. Si tamen de jure voluerint experiri, praefigatis eis terminum competentem quo per responsales idoneos nostro se conspectui representent, quicquid juris super iis habuerint ostensuri, protestatione praemissa, quòd si iudicio duxerint contendendum, nos quicquid haecenus est subtractum, in ipso iudicio repetemus. Datum Laterani v. Kal. Februarij, pontificatus nostri anno sextodecimo.

a Vide lib. 12. epist. 92.

TVSCVLANO EPISCOPO apostolicae sedis Legato, & Norwicensi & Wintoniensi Episcopis.

Epist. 174. Scribitur pro Richardo de Marisco. Fuit is postea Episcopus Dunelmensis ann. 1129, ut docet Mathaeus Paris.

Cum quidam Pontifices & Ecclesiarum Praelati de Anglia, qui à dilecto filio Richardo de Marisco jamdudum regis obsequiis insudante in multis existimant se offensos, in quibus fortè culpabilis non existit, moliantur eidem, sicut accepimus, gravamina irrogare, nos ipsi volentes super hoc paterna sollicitudine providere, fraternitati vestrae praesentium auctoritate mandamus quatenus quoslibet molestatores ipsius ab ejus indebita molestatione per censuram ecclesiasticam ap-

pellatione postposita compefcatis. Quòd si non omnes iis &c. Vos denique fratres Episcopi &c. Datum Laterani v. Kalend. Februarij, pontificatus nostri anno sextodecimo.

TVSCVLANO EPISCOPO apostolicae sedis Legato.

Epist. 175. Super eodem.

Licet olim duxerimus providendum ut Clerici Angliae, qui pro discordia inter sacerdotium & regnum exorta excommunicationis fuerunt vinculo innodati, cum litteris venerabilis fratris nostri Stephani Cantuariensis Archiepiscopi S. R. E. Cardinalis rei veritatem plenariè continentibus ad apostolicam sedem accederent absolutionis beneficium petituri, & dilectus filius Richardus de Marisco Clericus Regis sine hujusmodi litteris ad nostram venisse praesentiam dinoscatur, quia tamen non creditur id ex contemptu fecisse, sed ejusdem Regis potius urgente mandato, qui ad nos cum festinantia destinabat eundem, nolamus ut ea occasione ab aliquo molestetur, maximè cum rationis & aliis regis negotiis impeditus, facile non valeat super hoc denuo ad sedem apostolicam laborare, propter quod nos sibi de speciali gratia super praemissis fecimus beneficium absolutionis impendi. Ideoque fraternitati tuae per apostolica scripta mandamus quatenus si eundem propter hoc ab aliquibus contigerit molestari, tu eos ab ipsius molestatione, monitione praemissa, per censuram ecclesiasticam appellatione remota compefcas. Tu denique, frater Episcopo, super te ipso &c. Datum Laterani ut supra.

RICHARDO DE MARISCO Archidiacono Norumbriae.

Epist. 176. Recipitur sub protectione B. Petri.

Sacrofancta Romana Ecclesia &c. aequae concurrentes assensu, personam tuam cum omnibus bonis quae in praesentiarum rationabiliter possides, aut in futurum justis modis praestante Domino poteris adipisci, sub beati Petri & nostra protectione suscipimus & praesentis scripti patrocinio communimus, ut donec te dignum reddideris, apostolica valeas protectione gaudere. Nulli ergo &c. nostra protectionis &c. Si quis &c. Datum Laterani 11 Kal. Februarij, pontificatus nostri anno sextodecimo.

176